


R.2524

258



Digitized by the Internet Archive
in 2011 with funding from
Research Library, The Getty Research Institute

I N
SEPULCHRALEM LAPIDEM
SEXTI VARII MARCELLI


I N
AGRO VELITERNO

Nuper effossam

OBSERVATIONES.



ROMÆ MDCCLXV.
EX TYPOGRAPHIA BERNABO', ET LAZZARINI.



PRÆSIDUM FACULTATE.

CAROLO ALBERTO³
GUIDOBONO CAVALCHINI

S. R. E. Cardinali Amplissimo Sac. Collegii Decano
Episcopo, & Governatori Veliterno

CONSERVATORES VELITERNÆ URBIS
FELICITATEM.



Quantopere nostrates Cives Tibi debeant, EMINENTISSIME PRINCEPS, quod inter tot, tantaque beneficia, quibus hanc urbem cumulaſti, inſigni quoque dono Sepulchralis Urnæ Sexti Varii Marcelli publicas Veliterni Senatus Œdes ditaveris, vel ipſa antiqui Monumenti præſtantia ſatis oſtendit.

4
Quale porrò de illo ferendum iudicium , quam-
que magno in pretio sit habendum , ex his Notis , quæ
ad eundem Lapidem iam pridem iussu tuo collectæ
fuere , quibusque donum perhumaniter sociasti , facile
coniecimus . Cum primum enim superiore Anno in fun-
do Veliterni Agri , qui ad tua iura pertineret , Lapis
effossus esset , vix dici potest , quam sollicitus fueris ,
qui tuus in Litteras , bonasque Artes omnes singularis
est amor , ut hæ Animadversiones , quibus Inscriptio
illustraretur , statim perscriberentur .

Admirari profecto omnes solent , quod olim de
Catone Scipio , tum cæterarum rerum tuam excellen-
tem , perfectamque sapientiam , tum vel maxime ,
quod numquam senectutem Tibi gravem senseris . Non
ingravescentis ætas , non assidua in maximis rebus cu-
randis , gerendisque occupatio unquam Te a littera-
rum studio avocarunt . Animi enim magnitudine eo
ipso tempore , quo bono publico impiger magnis mu-
neribus das operam , ac dum tantam sustines Digni-
tatem , doctrinæ studia a Te numquam intermissa ,
fovere , ac patrocinari non cessas .

Itaque haud ingratum Tibi fore existimavimus ,
si eiusmodi Observationes iamdiu ad Nos missas diu-
tius delitescere haud passi sumus . Proinde , cum gra-
phice ex archetypo descriptam , æri incisam edi cura-
verimus Sarcophagi formam cum insculptis Inscriptio-
nibus , ne scilicet pervulgata , ut fit , per multorum
manus illarum exemplaria mendosa volitarent , easdem

Notas

5

Notas adnectere opportunum duximus. Quamvis enim, ut audivimus, alii in eodem postea argumento versati fuerint, tamen non abs re fore putavimus, neque male Antiquitatis amatoribus cessurum, si quæ uberius, Te auspice, scripto exarata fuere, nunc typis editæ in lucem prodeant Tuo præsertim Nomini nuncupatæ.



Quid enim gratius excipi potest, quam quod prodit immortalis Tui nominis commendatione? Norunt mebercle, fama Tui Nominis latissime pervagata, quotquot sunt ubicumque terrarum quantum sis de Apostolica Sede, atque adeo de Christiana Republica meritis: Te suspiciunt, Virtutisque in Te veluti clarissimum specimen mirantur omnes. Sed quæ propius nos attingunt ne omnino missa faciamus, multa, eaque præclara sunt, quæ Tibi, Cardinalis Amplissime, apud Volscorum Gentem præcipuo iure amorem summum, & simul obsequium, ac venerationem pariant. Hinc est profecto Patriæ nostræ cur magnopere gratulemur, quandoquidem, dum Tu non minus sacra, quam civili potestate hic Regimen adeo sapienter moderaris, quamplura, quæ Civitatis decus servant, augeantque, vel instaurata, vel instituta.

In sarta tecta Cathedralis Ecclesiæ, ut nitore suo restitueretur, sumptus per Te liberaliter impensi. Jussu Tuo nova, & commodiori molitione, quæ maior in Civitate est, strata via, Aedesque circumquaque ornatiores factæ. Cura item Tua ex auctoritate CLEMENTIS XIII. P. M. prolata ad qua-
tuor

tuor Mensēs Magistratus vice , coercitoque ad XXXX. Viros Patrio Senatu , eiusdem inposterum Nobilitati , ac Patricii generis dignitati consultum . Litteraria etiam Volsorum Societas , quæ hic Velitris hoc ipso anno non sine studiosorum fructu instituta est , tuorum temporum felicitati adscribenda .

Sed quid plura? Nimis longum esset quot bona in hanc Patriam sive auspicio Tuo , sive providentia dimanarunt , commemorando recensere . Maiori itaque non tam huiusce Ecclesiæ , & urbis felicitati , quam universæ Christianæ Reipublicæ bono D. O. M. Te diu incolumem servet , prout omnes boni augurantur , votisque nuncupatis nos enixe precamur .





U A Veliternus Ager ad Orientem Solem vergit , & Cora oppidum prospicit , in fundo , qui dicitur *Columella* procul a Velitris plus minus II. pass. millibus , dum altius ad Vineta ferenda humus effoderetur , proxime elapsis mensibus Urna Sepulchralis egesta . Parietinae illius latera undique ambiebant . Lapis e græco marmore , nec inelegantis formæ , in sua fronte , quæ ad latitudinem palm.VIII. protenditur,exhibet lævâ intuentibus Latinam Inscriptionem , eandemque rursus a dextera Græce iteratam . Non tam ordo ipse , quo utraque legentibus exhibetur , quam quod in Græca deest aliquid , quod in Latina conspicitur , ut suo loco dicemus , satis arguunt e latino sermone in Græcum versionem factam .

Istiusmodi genus Lapidum *πολιγλώττων* maxime rarum , & infrequens ; quinimmo pene dixerim , nullum , qui Sepulchralis sit , præter illum , quem Græcum , & Latinum refert Sponius ^a , ad hanc diem extitisse saltem integrum , qui in eadem verba varietate linguarum inscriptus esset .

Sed si desint lapides , quibus hunc pluribus linguis Sepulchrorum inscribendorum morem confirmare queam , præsto tamen est Viri Principis monumentum , si non ex ipso marmore petatum , certe ex veteris Auctoris historia , qui illud nobis integrum reliquit . Is est Julius Capitolinus , qui in Gordianorum vita testatur Gordiano Pio Sepul-

^a *Miscell. scd.x. num.37.*

9


rum de veris Elagabali , & Consobrini sui Alexandri Severi originibus locum dubitandi reliquum facit . Quod igitur tam bonis avibus erutum Marmor tantam Romanæ Historiæ præferat lucem lætandum est magnopere temporum nostrorum felicitati . Sed iam singula quæque singillatim , quæ in Inscriptione sunt explicanda , breviter percurramus . Hæc vero ut facilius percipi possint Soæmiadis , & Marcel-
li *γένειον* , eamque pleniorē , ac Valesius ^a ediderat , subiicimus , ut omnium , de quibus tractatio erit , præ oculis unico veluti obtutu ordo , seriesque habeatur .



B

IV.

^a Not. in Dion. Lib. LXXIII.



IVLIA SOÆMIAS BASSIANA.



ATINI Scriptores Historiæ Augustæ, quod perraro iis temporibus diphtongos adhiberent, scripsere *Soemias*, ut observavit Salmasius ^a. At hic *Soaemias* cum diphtongo tam latine, quam græce inscribitur, prout in eius nummis, qui rari ex omni forma habentur. Idem ^b Salmasius post Josephum Scaligerum notavit, e veteribus fere neminem Soæmiadis meminisse, qui non illius nomen paullatim detorserit. Hinc Lampridius *Semiamiram*, *Symiamyram* Capitolinus, & *Symiam Syram* Eutropius appellant.

A Iulio Avito Patre *Julia* dicta videtur. *Bassiana* a Juliano ^c Bassiano, qui Emesæ fuit Pontifex Dei Solis, Avo Materno, a quo etiam Caracalla, consobrinus Soæmiadis, *Bassiani* cognomen fortitus est.

Soæmiadi eadem, quæ Marcello Apamea Patria fuit, quidquid dicat Reimarus in notis ad Dionem, ubi pro *Municepe*, ut recte interpretati sunt Leunclavius, & Falco, vertit *Congentilem*, sive *eiusdem Gentis*; ut enim omittam ὁμοειδῆς apud Græcos æque dictos homines eiusdem gentis, ac eiuidem loci, advertam unice in hanc rem, neque ex eadem Gente fuisse Marcellum, & Soæmiadem, ille quippe ex Varia erat, hæc ex Julia, Julio Avito Patre, neque Dionis verba, quæ sequuntur, Reimari explicationem recipere. Sed præstat heic Dionis ^d locum adscribere Ἡ Μαῖσα δύο ἰγρόνες ἀρσενας, ἐν μὲν τῷ Σοαμίδος, Οὐαρία τε Μαρκέλλου ἀνδρὸς ὁμοειδῆς (ἐξ Ἀπαμείας γὰρ ἐκεῖνος ἦν) ἔχουσα

Maesa . . . habuit nepotes *Mares* duos, alterum e *Soæmiade*, *Varioque* Marcello populari suo (is enim erat ex *Apamea*); ubi certe πὸ ὁμοειδῆς nequeas *congentilem* reddere, si cum proximis verbis cohære vis; iis enim per causalem coniunctionem γὰρ rationem reddit, cur municipem, & conterraneum Soæmiadis Marcellum scripserit, nimirum, quod ipsi *Apamea* Patria esset, unde erat & *Soæmias*. Id certo certius etiam liquet ex altero Dionis loco, quo *Iulius Avitus* Soæmiadis Pater ex *Apamea* oriundus haud dubie affirmatur. Non igitur video quo iure negaverit Reimarus, Dionem scripsisse, umquam Soæmiadem *Apameensem* fuisse, & cur Tillemontio ^e su-

B 2

spi-

^a Not. in Capit. Macr.

^b Ubi supra.

^c Vaillant. Numis. Colon. Latin. Soemias.

^d Lib. 78.

^e Hist. des Emp. Tom. III. pagin. 470. not. 7.

spicio inceserit de Dionis textu corrupto, ibique loco *ἢς Ἀπαμείας* ponendum duxerit *ἢς Ἐμεσῆς* Zosimi, ac Juliani ^a auctoritate commotus, qui ex Emesa fuisse Elagabalum tradidere. Nihil enim argumentum hoc leve morari nos debet: nam quid vetat Parentes Elagabali Apameenses fuisse, Elagabalum vero vel Emesae in lucem editum, vel ibi apud aviam Maesam eo consilio altum, educatumque, ut in locum proavi Bassiani iampridem vitâ functi Elagabali Dei Sacerdos renunciaretur? Profecto cum ipse Emesae multos annos privatus traduxerit, atque in ea urbe pontificali dignitate conspicuus fuerit, indeque etiam ad imperium venerit, haud hercle mirum est, si ab Historicis ex Emesa fuisse dicatur.

Soaemias mulier quidem formosa, non tam imperio Filii, quam vitiis inclaruit, moribusque meretriciis, quibus per omnem vitam dedita digna filio Mater est ^b habita. Famâ adeo laboravit, ut Filium Elagabalum, qui antequam ad Imperium evectus esset *Varius Avitus Bassianus* vocabatur, ideo *Varii* nomine nuncupatum esse putarent, quia ex incerto coitu natus esset = *Varii* ^c autem nomen idcirco eidem inditum a Condiscipulis, quod vario semine de Meretrice utpote conceptus videretur. Quamquam Elagabalum, uti diximus, Antonino Caracallæ Filium aliqui adscribebant. Eius quippe Avia Maesa, quæ non tam opibus, quam industria, aulicisque in primis pollebat artibus, præter maximam pecuniarum largitionem in Milites effusam, parum sollicita de pudore Filix, ut Avitum ad Imperium attolleret, non dubitavit eius Patrem asserere Antoninum Caracallam, ut scilicet Militum animos Nepoti conciliaret. Hinc Elagabalo Antonini nomen, quod passim in eius nummis observatur. Quod verò Sacerdotem is ageret Dei Solis, quem *Elagabal* nominant Phoenices, ex eo *Elagabali* cognomen ductum. Sic porro Avix Elagabali *Maesa* nomen a dignitate; nam Syria lingua idem sonat, ac Sol, cuius erat Sacerdos, ut notat Vaillantius ^d.

Imperator factus hic *Pseudo-Antoninus* Romam veniens, Deo suo, cuius Sacerdos fuerat, Elagabalo secum advecto, voluit hunc unum, cui insigne Templum in Palatino erexerat, coli ab hominibus, aliosque omnes cessare Deos. Senaculum item Mulierum, quod in Quirinali extruxit Elagabalus ad conventus Mulierum habendos, qui-

^a Julian. in *Cesar.*

^b Lampr. in *Hellog. Capitol. in Macr.*
num. 7.

^c Lampr. in *Macr.*

^d Vaillant. in *Nummis Colon. Latin.*

quibus Avia Maesa , & Soæmias Mater præsiderent , non sine cultu So-
lis censet *Donat. Rom. Vet. lib. 8. Cap. 15.* ubi de præclaris huiusce
Senaculi vestigiis , qui in Quirinali adhuc supersunt in Hortis Colum-
nensium , fuscè disseruit . Inde e muliebri conventu deridicula illa Sena-
tusconsulta *Semiamirica* ^a de legibus Matronalibus , quæ quo vestitus
incederent , quæ cui cederet , quæ ad cuius osculum veniret : quæ pi-
lento , quæ Equo Sagmario , quæ Asino veberetur , quæ carpento Mu-
lari , quæ Bovum , quæ Sella veberetur , & utrum pellicea , an of-
sea , an eborata , an argentata , & quæ aurum , vel gemmas in cal-
ciamenti haberent .

Sed non has tantum nugas aucupabatur Mulier . Nihil in omni
Republica , quod non per luxuriam , & ex eius arbitratu esset . Lam-
prid. Heliogab. *Hic tantum Semiamiræ Matri deditus fuit , ut
sine illius voluntate nihil in Republica ageret , quum ipsa meretri-
cio more vivens in Aula omnia turpia exerceret .* Prima , nec antea ,
nec postea umquam audito exemplo , ausa est ex Mulieribus Senatum
ingredi , pene Consules adfidere , & scribendo adesse , quæ postmo-
dum fuerunt in caussa , cur perempto Elagabalo S. C. cautum fuerit ,
ne umquam Mulier Senatum ingrederetur , utque Inferis eius caput di-
cicaretur , devovereturque , per quem id esset factum .

Soæmiadis vitæ par fuit interitus . Cum filio misere interfe-
cta , dum is octodecim haud amplius annos ageret . Horum ca-
davera diu per contumeliam raptata per Urbem postremo in cloa-
cas abiecta ^b fuere . Verum , quæ dum vixit probrosissima Mu-
lier extitit , ei post mortem relatæ inter ^c Divas divini honores
habiti .

C. F. Quæ sigla deest in Marmore Græcis Litteris insculpto
posset intelligi *curavit fieri*, vel *faciundum*, nisi velimus potius explica-
re pro *Clarißima Femina* , quod certe magis arridet . Coeptum enim
iam inde a Tiberio Cæsare Senatores , eorumque Uxores , & Filias *Clari-
ßimas* vocari ^d . Non recte igitur Tillemontius , qui existimavit
Clarißimi titulum aliquanto serius , ac labente tertio Ecclesiæ Sæculo
invectum fuisse ^e . Observatu dignum , quod Soæmias etiam post Vi-
ri

^a Lamprid. in Heliog.

^b Dio Lib. 75. Cap. 20. Herodian. l. 5.
Cap. 23.

^c Vid. Reimar. not. ad Dion. pag. 1336.

^d Pancirol. not. utr. Imp. Cap. 2.

^e Eduard. Corfin. in Præf. de Præf. Urb.
pag. 30.

ri mortem *Clari finæ* titulum usurpaverit. Hactenus enim acriter disputatum inter eruditos, an Uxor titulum, quem a Mariti dignitate obtinebat, mortuo illo deinceps retineret. Sane Mulieres, quæ minoris dignitatis Viro secundo nubarent, quem a primo Marito gradum dignitatis haberent, illico amittebant. Sic Mamaea Soëmiadis Soror natu minor, cum antea Uxor fuisset Viri Consularis, iterum nupta minoris dignitatis Viro nonnisi ex indulgentia Principis pristino honori fuit restituta, ut ab Ulpiano edocemur in Leg. 12. ff. de Senatoribus: *Nuptæ prius consulari Viro impetrare solent a Principe, quamvis perraro, ut nuptæ iterum minoris dignitatis Viro, nihilominus in consulari maneant dignitate: ut scio Antoninum Augustum Iuliæ Mamaeæ consobrinæ suæ indulgisse.*

Et quoniam duplicis Mamaeæ connubii incidit mentio admonet locus, ut inquiramus, an Gessius Marcianus, qui fuit Pater Alexandri, fuerit ille Vir Consularis, cui primo nupserat Mamaea, an alter, cuius nomen ignoratur. Tillemontius^a cum animadverterit, Alexandrum imperante Severo natum ann. Chr. 208. Mamaeam vero suæ dignitati restitutam a Caracalla summa rerum potito A. C. 211. Gessio Marciano principem in connubio locum constituit. Verum Tillemontius nimium fortasse in hoc suo ingenio indulgit. Fieri enim potuit, ut etiam sub Severi regno iterum nupserit Mamaea, & non nisi serius ex Caracallæ indulgentia ad pristinos honores veluti postliminio redierit. Gessium hercle Marcianum consulare fuisse tacet Dio gravissimus Auctor, in recensendis hominum gradibus, ut norunt omnes, præ cæteris historicus diligentior. Is in eo potissimum loco, in quo Elagabali, & Alexandri origines studiose percurrans Iulii Aviti Consularis, & Varii Marcelli post gestas Procuraciones in Senatum allekti meminerat, numquam certe de dignitate Marciani filuisset, neque eum tantummodo fecisset *ἐπιτροπείας τινὰς προσαχθέντων* quibusdam procurationibus perfundtum, si Consulari dignitate & ipse, uti Julius Avitus, præfulisset. Itaque non alienum a veritate arbitrarer, si Alexandrum secundo Mamaeæ Marito genitum dixerimus.

Maritis orbatam Mamaeam in ipso iuventæ flore ex eo coniectari licet, quod duos tantum Filios habuerit Alexandrum, & Theocliam, quodque iam inde a puero sub tutela Matris altum, educatumque Ale-

^a *Hist. des Emp. T. III. pag. 471. not. 1.*

Alexandrum , nulla deinceps mentione illius Patris habita , tradant Scriptores . Mamæa , Soæmiadis moribus dissimillima , sapiens , & pudica Mulier ; neque mirum , si , ut voluit Eusebius , quem secuti sunt Orosius , Cedrenus , Vincentius Lerinas , aliique , ab Origene Christianis institutis edocta a vera Religione non abhorrebat ^a . Sed ad propositum redeamus .

CVM FILIS . *Filis* pro Filiis . Antiqui enim *ii* sæpe contrahabant . Id Cl. Noris Cenotaph. pag.473. in Codice Virgilii Medicei fere perpetuum esse pluribus exemplis demonstrat . Præter *Avitum Bassianum* , qui fuit postea Elagabalus , nemo certe superstes ex Filiis , quos pueros admodum obiisse dicendum est , quandoquidem si superstites fuissent , cum Elagabalus rerum potitus est , aliquem profecto dignitatis gradum tenuissent , deque iis foret apud Scriptores aliqua mentio , quæ nullibi occurrit . Nunc enim primum ex hoc Variano Lapide innotescit , Soæmiadi plures Liberos fuisse .

SEX . VARIO MARCELLO . Nunc primum etiam scimus Vario Marcello prænomen *Sexti* fuisse . Eodem prænomine alium nescio quem Varium insignitum nobis ^b in suo Thesauro Muratorius exhibuit . Ex hoc ipso Lapide emendatur Xiphilinus in *Epitome Dionis* , ubi legitur *Varus Marcellus* pro Vario Marcello . Erroris etiam arguitur Lampridius , qui Alexandrum *Varii Filium* , *Variae Nepotem* facit .

Propemodum deceptus a Lampridio Isaacus ^c Casaubonus putabat Soæmiadi Maritum fuisse Genesium Marcianum , Mamææ vero Varium Marcellum . Verum haud dubius , & anceps Vir doctus hæsisset in interpretatione Dionis , neque huic Lampridium prætulisset , si hæc nota illi fuisset Inscriptio : ex hac enim vindicatur versio Dionis , quæ in eius Excerptis ^d habetur , ubi Maritus Soæmiadis dicitur *Varius Marcellus* , Mamææ vero *Genesius* sive *Geffius Marcianus* .

Va-

^a Baron. ad an. Chr. 220. §.6. Tillemont. in Alex. art. 1. Id. in notad Alex. 8. pag.480. Tom.3.

^b Pag.1416. num.11.

^c Casaubon. Not. in Lamprid. Alexander. ^d Excerpta Dionis cum Not. Leuckarii Francofurti 1592. lib.78. Macrinus 23. pag.913.

Varius nomen Gentis. *Varia* inter Illustres Familias, quæ a Fulvio Ursino, & Patino recensentur, nusquam apparet. Panvinus ^a adscribit *Variam* inter Gentes Plebeias ante Augusti tempora. Plures *Varios* in Historia Romana occurrere Tacitus vel unus nobis fidem faciet. Merito itaque Vaillantius, Vir cæteroqui doctissimus, castigatur ab Haverkampio ^b, quod duos tantum in Romana Historia Varios occurrere affirmarit.

Num vero multiplices Varii, qui in Romana Historia, & in Lapidibus occurrunt, ad hunc nostrum Varium Marcellum Syrum hominem quoquomodo pertineant, affirmare non ausim. Cæterum istius ætate nondum pro libito confusa, & usurpata nomina, prout evenit post Antonini Caracallæ ^c Constitutionem, quâ Imperator omnes eos, qui in Orbe Romano essent, Cives esse voluit. Tum enim pro cuiusque arbitrio nomina sumpta, aut primorum Gentium, quæ iam esse desierant, aut nova excogitata, vetere vocandi consuetudine, quæ ad ea usque tempora parum certe violata perduraverat, paulatim labante.

Mutuari quidem possent Romana Nomina Varii Marcelli a Colonia, unde ipse esset. *Apamea*, ut diximus, illi Patria fuit; sed plures *Apameæ* sunt, de quibus Octavius Falconerius de Nummo *Apamensi*. Ast nulla præter illam, quæ in Bithynia est, Colonia Romanorum fuit, dicta *Julia Concordia Augusta* ^d. *Julia*, quod a Julio Cæsare *Apameni Bithyniæ* Coloni essent facti, cum hi pro Cæsare contra Pompeium stetissent. Verum *Apamea* Syriæ Patria fuit Marcello iuxta Dionem, quæ Urbs inter Antiochiam, & Emesam sita est.

Quæcumque tamen esset *Gens Varia*, e qua Marcellus prodierat, non ei sane dubitarem adserere Varium illum Macrinum, qui in Illyrico circa An. Chr. 228. de Germanis victoriam reportavit. Cum enim Lampridius hunc dixerit affinem Imp. Alexandri: *Actæ sunt res feliciter in Illyrico per Varium Macrinum affinem Alexandri*, non aliunde censerem huiusmodi affinitatem adscitam, quam ex errore, in quo Auctor versabatur, dum patrem Alexandri non Gellium Marcianum, sed Varium Marcellum fuisse putabat: in eiusmodi enim facti specie, quandoquidem Macrinus gentilis Marcelli esset, sane non potuisset non aliqua propinquitate Alexandrum attingere.

Quid

^a Panvin. de antiq. Nom.

^b Comment. ad Thesaur. Morell. tom. 1. pag. 363.

^c Panvin. de nom.

Petisc. V. nomen.

^d Vaillant. Numm. Acreæ Colon. Julia Domna.

Quid vero si *Maesam* aliquo modo & ipsam ad Variam Familiam pertinere dixerim, & hinc Marcellum, & Soæmiadem aliquo inter se cognationis vinculo fuisse coniunctos? Non uno in loco Julia Maesa a Lampridio, & Capitolino *Varia* appellatur, cuius nominis quamvis obscuriorem esse causam dixerit Casaubonus ^a, tamen valde probabilis ratio suadet, in Maesam derivatum *Variae* nomen ab illius Matre, vel Avia, quæ ex *Varia* Gente, & Marcello adgnata esset.

Hinc forte ab Avia Maesa Elagabalus sortitus est nomen *Varii*, quo nomine appellatum fuisse tradunt Historici, & patet ex veteri tumbi plumbei Epigraphe, quam refert Gruterus ^b:

AQVA . TRAIAN . Q. ANICIVS . Q. F. ANTONIAN.

CVR. THERMARVM . VARIANARVM.

Thermas Varianas, ab ipso ita dictas, Elagabalus excitavit, ut refert Lampridius, quas Victor sitas inquit in Aventino in regione XIII. non longe a Thermis Decianis; unde sunt, qui eas cum istis perperam confundant. Thermas Varianas ad Elagabalum referendas esse arguit id ipsum, quod in descriptione Urbis sive Victoris illa, sive Rufi, quam e Vaticanis Codicibus vulgavit Muratorius in Thesauro Inscriptionum pag. 2125. dicuntur Thermæ *Syræ*, nomine videlicet mutuato ab Auctoris origine. Certe Elagabalus haud passus esset in publicis præsertim ædificiis sibi *Varii* nomen inscribi, si ei turpe fuisset, sique ex ea causa, quam narrat Lampridius, illud manasset: *quod vario semine de meretrice utpote conceptus videretur*. Hoc tamen loco, quod animadvertendum est, quorundam opinionem recenset Historicus, non vero quod ipse sentiret. Ille enim paullo infra rationem reddens, cur Consobrini essent inter se Elagabalus, & Alexander, apertis litteris subdit: *Nam VARIA una his erat Avia*, UNDE HELIOGABALUS VARIUS DICEBATUR. Quid plura? Nihil profecto prohibet, Elagabalum ab Avia *Varii* nomen sumpsisse, qui a proavo materno Bassiano Bassianus dici voluit. Ita Antoninus Pius, ut narrat Capitolinus ^c, *Boionius* dictus ab avia Boionia Procilla.

Nullum ne igitur a Marcello Patre nomen habuit Elagabalus? Nullum fortasse, prout nullum hercle a Gessio Marciano habuit huius consobrinus Alexander. Is enim non a Patre, ut male somniavit Reimar, sed ab Avo dictus Alexianus, ut videre est apud Herodianum:

C

Is

^a Ad Lampr. Heliog. num. 1.

^b Pag. 182, num. 7.

^c Lib. 4. cap. 14.

Is erat Alexianus, qui tum nuncupabatur Alexander, avi sui nomine in Macedonis Regis nomen commutato.

Nomina ut plurimum Filiis a Patre indita; at in hac re nihil certi, ac perpetui observatum. Græci vulgo feligebant quosdam e Maioribus, quorum nomina ipsimet, ac Familiæ honori essent. Plutarchus in *Cimone* tradit Olorum Patrem Thucydidis ex altero maiorum nomen traxisse. Eustath. ad *Iliad.* hunc morem antiquissimum fuisse dicit, nec raro obtinuisse apud plurimas alias Gentes. Sic Hannibal Carthaginensis nomen Avi sui ferebat, non Patris. In plerisque etiam Romanorum familiis id sæpius usuvenisse notavit Potterius in sua *Archæologia* ^a Græca.

Accedit his, non adeo verisimile videri, Elagabalum, qui se Antonini filium iactitabat, quique etiam eo nomine per fraudem ad imperium evectus esset, nomen legitimi Patris usurpasse, quo manifestum genus suum fecisset, cum tamen illud celare & valde e re sua esset, & ipse cuperet, ut Antonini nomen, cuius videri Filius vellet, *affectato retineret* ^b.

Ut ut sit ex illustri admodum Familia ortum Varium Marcellum satis per se arguit illius connubium cum Soæmiade Imp. Caracallæ consobrina, & consularibus Viris arctissimo sanguinis vinculo coniuncta, tum & illud, quod Lampridius ^c Soæmiadis Materteram, Variæ Sororem, *Juliam Domnam nobilem Orientis Mulierem appellat*.

PROC. AQVAR. C. Procuraciones quasdam gessisse Varium Marcellum, & in amplissimum Ordinem adscriptum ex Dione acceperamus. Emendandæ enim versiones Falconis, & Leunclavii, qui hæc Dionis verba, καὶ ἐν πεπίτροπαῖς ἐξέτισθεντος, καὶ ἐς τὸ συνέδριον ἐσγραφέντος latina fecerant *Cæsarisque Procuratore, & in Senatum allecto*, cum ea tamen ad Scriptoris mentem reddenda essent *procuracionibus perfuncto &c.* Et in hoc mirum, quam perbelle textus Græcus Dionis respondeat Veliterno Lapidi, qui non semel procuratorio nomine in muneribus publicis se gessisse Marcellum testatur. Verum cuius generis æe procuraciones, ac dignitates fuissent in tenebris lateret adhuc, nisi hæc Inscriptio patefecisset. Primus Vario fuit ad Dignitates gradus Procuratio Aquarum, quæ a Curatione differebat, ac longe distabat. Aquis ^d Præfectus primum ab Augusti ævo Curator dictus, postea Consularis Aquarum,

^a Lib. 4. cap. 14.

^b Lamprid. in *H. liog.* num. 17.

^c Id. in *Alex.* num. 5.

^d Pancir. *Not. Imp. Qcc.* cap. 8.

rum , quod forte Consularibus ornamentis uteretur . Frontinus ^a , ubi loquitur de Curatore : *Aquarum iniunctum Officium tum ad usum, tum ad salubritatem , atque etiam ad securitatem Urbis pertinens administratum* PER PRINCIPES SEMPER CIVITATIS NOSTRÆ VIROS , quales certe fuerunt sexdecim illi , quos ante se fuisse Aquarum Curatores enumerat idem Frontinus , & ipse Vir Consularis .

Contra vero Procuratoris munus , quod primus Tiberius Claudius videtur instituisse , postquam Anienem novum in Urbem induxerat, per Libertos plerumque Cæsaris fuisse exercitum coniicitur ex eodem Frontino lib. 2. Ibi Procuratoris Aquarum quod esset Officium describit : *Procurator calicem ejus Moduli qui fuerit impetratus , adhibitis Libratoribus signari cogitet , & diligenter intendat Mensurarum &c. modum , & earum notitiam habeat , ne sit in arbitrio Libratorum interdum maioris luminis , interdum minoris pro gratia personarum Calicem probare .*

Apud Gruterum præclara habetur Inscriptio , quæ Aquarum procurationem a Curatione perbelle distinguit , quæque alterum ab altero Officio longe distare satis demonstrat pag. 459. num. 7.

T. FL. POSTVMIO. TITIANO. V. COS
 PROCOS . PROV . AFRICAE
 CVR. AQVARVM. ET. MINICIAE
 CORR. ITALIAE. TRANSPADANAE
 CORR. CAMPANIAE.....
 COGNOSCENTI. VICE. SACRA
 P. K. Q. K. PONT. DEI. SOLIS
 AVGVRI. ORATORI. PRONEPOTI. ET
 SECTATORI. M. POSTVMI. FESTI. ORAT.
 T. AELIVS. POEMENIVS. V. C. SVFFRAG.
 EIVS. AD. PROC. AQVARVM. PROMOTVS
 PATRONO . PRAESTANTISSIMO.

C 2

Huic

^a De aqua duc, lib. 1.

Huic Gruterianæ Inscriptioni collimat alia, quæ affertur in parva Collectione III. Benedicti Passionei, quæ Lucæ prodiit Anno 1763. pag. 10. num. 3.

BALBINO . MAXIMO . COS. ORD.
 PR. K. TV Q. K. LEG. PROV. ASIAE
 CVR. R. P. LAVR. LAVINAE . ITEM
 COGNOSCENTI . AD . SACRAS . APP.
 CVR. AQVAR. ET . MINICIAE . PRAEF.
 ALIMENTOR. VIAE . FLAMINII
 XV. VIR. SAC. FAC. III. VIRO . KA.
 SEVIRO . EQVIT. ROMANOR.
 SEPTIM. VERVS . HERMOGENES
 SEXAGENARIA : PROCVRATIONE
 SVFRAGIO . EIVS . ORNATVS

Res observatu porro digna in hac Variana Inscriptione, quod tribus ibi ordine enumeratis Procurationibus suum cuique Procurationi attributum Salarium, quod ex singulis acceperat Varius, notâ C. designetur. Eiusmodi Littera quomodo accipienda esset valde primum animo hærebam : verum in obscuro versanti prætulit facem Salmasius ^a. Centenarii, Ducenarii, ac Tercenarii Procuratores dicebantur a numero pecuniarum, quas stipendii nomine accipiebant. Dio 53. *Procuratoribus a numero pecuniarum, quæ illis data, nomen factum est.*

Sic quibus sexagena tantum sestertia constituta erant, *sexagenarii*. Apud Grut. pag. 440. num. 3. est Lapis in hæc verba : *Proc. Trium Provinc. Gall. Lugdunensis Narbonensis & Aquitaniæ ad SS. LX. Proc. Alexand. Pelusi ad SS. C. Item pag. 434. Proc. Aug. Prov. Betic. ad Ducena accipiendâ.* Sexagenaria Procuratio occurrit in Lapide apud Passioneum superius allato.

Marcellus itaque noster tamquam Procurator Aquarum Centenarius acceperat stipendii nomine annua Sestertium Centena, sive Centena millia Sestertiorum, Aurea scilicet 2500. Uti Procurator Provinciæ Britannicæ Ducenarius Ducena millia, quæ æquant summam Aureorum 5000. Uti demum Procurator Rationis Privatæ Tercenarius Sestertiorum Tercena millia, hoc est Aurea 7500. Quod in Græcâ

ver-

^a Salmas. Not. ad Capit. Pertinacæ.

versione Lapidis desint Litteræ C. CC. CCC. nullum faceffit negotium . Græcus enim Auctor compendiarie illius Latine Notæ , quâ stipendia designantur , fortasse ignarus , omittendam eam censuit , ut in septima linea omisit Soæmiæ titulum C. F. vel certe , si eas Litteras novit , noluit tamen illas in Græcam Inscriptionem traducere , quod nulla forte ei Græca Vox in promptu esset , quæ Latine satis apposite responderet . Nihil ergo morari Nos debet , quod Græca Latine , cuius versio est , non omnino respondeat .

PROC . PROV . BRIT . Non in universa Britannia Marcel- lum putarim Cæsaris Procuratorem fuisse , sed in altera tantum ex duabus Provinciis , quas Severus constituerat . Is enim anno ^a Imperii sui quarto ex una , quæ antea erat Provincia Britannia , duas fecit . In Consularibus maxime Provinciis Procuratores Cæsaris erant , qui ea procurabant , quæ ad Cæsarem ipsum , seu Fiscum pertine- rent : nam ^b Ærarium a Fisco differrebat . Illud publicum , hoc est Populi Rom. Fiscus Principis erat .

Procuratoribus Provinciarum varia potestas a Principibus attribu- ta . De controversiis , quæ inter Fiscum , & Privatos movebantur , cognoscebat . *leg. 2. Cod. Si advers. Fisc. leg. 8. Cum hi §. 19. trans- actiones ff. de transact. leg. 10. Si Heredi Cod. de inoff. Testam.* Clau- dius enim effecerat , ut S. C. caveretur , parem vim rerum haben- dam a Procuratoribus suis iudicatarum , ac si ipse statuisset . Narrat Lampridius , Alexandrum Imperatorem eos sæpius mutare solitum , fuisse , ne annum excederent , etiamsi boni essent , sibi invisos affir- masse , tamquam necessarium malum . Nil mirum igitur , si Britan- ni in Provinciam redacti querebantur , ut apud Tacit. Agric. cap. 15. §. 2. *Singulos sibi olim Reges fuisse , nunc binos imponi , e quibus Legatus in sanguinem , Procurator in bona sæviret .* Hinc ^c argui- tur , Procuratorem Cæsaris merum Imperium non habuisse : Procon- sul enim , vel Præfes in Provincia de criminum quæstionibus dumtaxat cognoscebat .

PROC . RATIONIS PRIVAT . Præter Fisci Procuratorem alium etiam rerum Privatarum , propriique sui Patrimonii Procurato-

C 3 rem

^a Tillemont. Sever. artic. 22. tom. 3. pa- gin. 47.

^b Alciat. de Magistr. Civil. & Milit. Off.

^c Brissot. Antiq. Select. lib. 3. cap. 18.

Cuiac. observ. lib. 19. cap. 13. Heinec. Elem. Iur. Civ. secundum Ord. Pandect. part. 1. §. 231. Philip. a Tur. monum. veter. Antii part. 1. cap. 5. Mascovius in peculiari dissert. de Procurat. Cæsaris Altorf. 1724.

rem Principes habuerunt . Severum , devicto Clodio Albino , hunc Procuratorem primum instituisse Auctor est Spartianus ^a in eius vita , cui assentitur Philippus a Turre in monumentis ^b veteris Antii adversus sententiam Salmasii , qui ab Augusti temporibus Procuratoris eiusmodi deducit originem . Porro superiori ^c ævo rei familiaris Principis Liberti plerumque , nonnumquam Equites sine aliqua administrationis , & muneris forma duo , pluresve præficiebantur . Idem Procurator Cæsaris , seu Rationis Privatæ ac Procurator *Rei Dominicæ* , idemque munus *Comitis Rerum Privatarum* sub posterioribus Imp.

In Urbe rem Privatam curasse Marcellum , non est ambigendum . Cum enim quis in Provinciis hoc munere fungeretur Nomen eius Provinciæ adnecti solemne erat ; Sic apud Grut. 774. 4. est *Proc. Ad Prædia . Gallicana .* 575. 5. *Proc. Fisci . Asiatici .* 458. 1. ΕΠΙΤΡΟΠΩ . ΠΡΕΙΟΥΤΗΣ . ΔΙΑ . ΦΛΑΜΙΝΙΑΣ . ΑΙΜΙΛΙΑΣ . hoc est *Procuratori Privatæ rei per Flaminiam , per Æmiliam* . Sic apud Pancir. Not. Imp. Occid. pag. 73. occurrunt Procuratores rei Privatæ per Italiam , per Apuliam , per Dalmatiam , cæterasque Provincias .

VICE PRÆFF . PR . ET VRBI . FVNCTO C . V . Non mortuo , vel absente aliquo ex Præfectis Pro-Præfectum Præt. & Urbi egisse Varium Marcellum aliquis putet . Non hic accipiendus Pro-Præfectus , prout *Pro-Quæstore* dicebatur , qui mortuo Quæstore , aut in Provincia , non expectato Successore , decedenti , Quæstorio muneri præficiebatur . Præfectorum Prætorio , & Urbi suis cuique erat Vicarius , qui manebat in Urbe , & qui ab ipso Præfecto pendebat , quique *Pro-Præfecti* ^d nomine quandoque appellabatur . Vicesgerens Præfecti Prætorio occurrit in Inscriptione Legis primæ tit. 33. lib. 2. Cod. Theodos. quæ est : *Imperator Constantinus A. ad Dracillianum Agentem Vices PP.* idest Præf. Præt. quem Dracillianum Constantinus græce dixit *διέποντα τῶν λαμπροτάτων ἐπαρχῶν μέν* , fere iisdem verbis , quæ in Græco Lapide de Vario Marcello leguntur . Sic in eodem Cod. leg. 2. de Paganis mentio fit *Magdasiani* cuiusdam Agentis Vices Præf. Præt.

Tillemontius in Notis tom. 4. pag. 682. Not. 4. putat Vicarios a Diocletiano primum institutos . Perperam tamen , pace dixerim ,
tanti

^a Cap. 12.

^b Cap. 5. p. 74.

^c Briffon. Antiq. select. lib. 3. cap. 20.

^d Corfin. de Præf. Urb. Præf. pag. 49. §. 8.

tanti Viri, intellexit Lactantium, quem citat *de Mort. Persecut.* §. 7. huius enim eiusmodi sunt verba: *Et ut omnia terrore comple-
rentur, Provinciæ quoque in frustra concisæ, multi Præsides, & plu-
ra officia singulis Regionibus, ac pene iam Civitatibus incubare, item
Rationales multi, & Magistri, & VICARII PRÆFECTO-
RUM, quibus omnibus civiles actus admodum rari, sed condemna-
tiones tantum, & proscriptiones frequentes.* Præterquamquod enim
Lactantius non loquitur de Vicariis Urbis, sed dumtaxat de Provin-
cialibus, illius verba potius videntur innuere, quod sub Diocletiano
numerus Vicariorum in Provinciis fuerit adauctus, non autem, quod
Vicarii tum primum incæperint esse.

Urbis Romæ Vicarius peculiarem potestatem, ac Imperium ha-
bebat, ideoque distinctum fere Tribunal, ut interdum etiam supre-
mæ Præfecti potestati minime subiiceretur. Certe Valeria, Picenum,
Campaniæ pars, aliæque Provinciæ non Urbis Præfecto, sed Vicario
parebant, & ad eum in quorundam criminum quæstionibus ^a provo-
cabatur. Tresdecim enumerat Gothofredus Urbis Vicarios, qui ex
Legibus in Cod. Theodosiano apparent. Nonnullos alios addit Claris-
simus Vir Eduardus Corsinius in sua Serie Præfectorum Urbis, quam
post Contelorium multo locupletiolem edidit.

Ex Equestri tantum ordine fuisse Varium Marcellum haud du-
biam coniecturam faciunt Procuraciones, quas ipsum gessisse superius
diximus: huiusmodi enim munera Cæsarum Liberti, vel Equites ple-
rumque obibant. Verum cum Soæmias, Marcelli Uxor, Sororis Fi-
lia esset *Iulie Domnæ* Uxoris Septimii Severi, vero simile videtur,
ob hanc potissimum affinitatem a Severo Varium ad hæc præclariora
officia promotum fuisse, ut inde in Senatum illi aditus pateret. In Se-
natum enim non nisi Vice-Præfectorum Præt. & Urb. functum ar-
bitror Varium Marcellum adlectum fuisse. Id ex *Clarissimi Viri* ti-
tulo, qui Vice-Præfecturam subsequitur, facile arguitur: siquidem
eiusmodi titulo Senatores honestabantur ^b, ut notavit Casaubonus ad
Lamprid. *Eliogabal.* Ad rem nostram facit Lamprid. in Vit. Alex.
Cap. 21. *Addidit (Alexander) Præfectis Prætorio Senatoriam di-
gnitatem, ut Viri Clarissimi, & essent, & dicerentur.*

Hæc

^a *Eduard. Corsin. de Præf. Urb. Præfat.*
pag. 43.

^b *Pancir. not. utr. Imp. cap. 2.*

Hæc omnia ad Severiana tempora sunt referenda, quippe Soæmias, dum Caracalla regnaret, iam orbata Marito Antiochiæ in Syria apud Matrem Mæsam cum Sorore Mamæa viduam exigebat ætatem. Quonam vero ordine Varius hæc munera affecutus sit, non ita facile erit statuere. Cl. Oliverius ^a existimat, Dignitates eodem prorsus ordine processisse, quo in Marmoribus recensentur. Aliquando tamen hunc ordinem fuisse perturbatum observavit laudatus Corsinius *Præf. de Præf. Urb.* §.4., quod in hac nostra Variana Inscriptione suspicor contigisse. Quamvis enim Vice-Præf. Prætorio hic nominetur prius, opinor tamen Varium Marcellum, antequam ageret Vice-Præf. Præt. antea gessisse Vices-Præfecti Urbis: a cæteris enim Magistratibus mos erat ad Præfecturam Prætorii, mox ad Consulatum ascendere.

Præfecti Urbi, qui ex Augusti instituto ius, ac Imperium intra Centesimum ab Urbe Lapidem obtinebat, & ad quem a Prætoribus, ac Præsidibus Provinciarum provocabatur, summa erat potestas. Vice enim Sacra, hoc est loco Principis, & ipse ut Præfectus Prætorio iudicabat. Eiusmodi dignitate nonnisi Equites, ac variis muneribus antea perfuncti donabantur. Verum postea Commodi, Caracallæ, atque Elagabali temporibus etiam Viri ex infima Populi colluvie; quin etiam ipsorum aliqui in menses solum, atque horas eligebantur, & quemadmodum *Suffecti* Consules honoris causa induci cæperunt, ita quoque Præfecti plures Præfectis aliis substituti. Quod si hæc in Præfectis usui venisse reperimus, idem multo magis contigisse in iis, qui Vicariam tantum potestatem obtinerent, nihil verosimilius est. Quo circa in Magistratu, cui certa præfixita duratio non erat, quamdiu permanerit Varius, supervacaneum est inquirere.

PRÆF. ÆRARII MILITARIS. Augustus primum Militare Ærarium instituit, in quo, ut ait Sigonius ^b, Civium tributa, ac Sociorum Vectigalia, & præda Imperatorum asservabatur, quo sumptus bellorum ordinarii sustinebantur. Ærarii Militaris Præfecti frequens mentio in Lapidibus, præsertim apud Gruterum.

LEG. LEG. III. AVG. A Præfectura Ærarii Militaris gradus erat ad dignitatem Legati. Sic C. Plinius defunctus Militari
Æra-

^a *Marmor. Pisaur.*

^b *Sig. de antiq. Iur. Civ. Roman. lib. 1. cap. 16.*

Ærario Legatus fuit Legionis VI. Gallicæ, ut ex Inscriptione apud Gruter pag. 454. num. 3.

C . PLINIVS . C . F . C . N .

CÆCILIVS SECVNDVS

CVRAT . ALVEI TIBERIS ET RIPAR .

PRÆF . ÆRARI SATVRNI PRÆF .

ÆRARI MILITAR . LEG . LEG . VI . GALLIC .

X VIR . STLIT . IVDICANDIS

Intellige hic non Legatum Consularem, sed Prætorium. Prætorii enim Legati sub Principibus dicebantur, qui singulis Legionibus præessent; iidem, qui *Sub-Præfecti*, & *Sub-Prætorii* postea appellati a Dione, Ducesque in postremis temporibus. E Legionibus XXV. a Cæsare Augusto per Romanum Orbem constitutis Legio III. Augusta^b in Affrica erat. Romæ in Area Capitolii in marmorea Columna Legionum XXXVII. quæ post Diocletianum fuere, leguntur Nomina: inter has III. *Augusta*. Dionis ætate hæc Legio Tertia Augusta tripartita fuit. Pars *Gallica* dicta, in Phoenicia, *Cyrenaica* in Arabia, *Augustalis* in Numidia hybernabat. Huic ipsi, quæ in Numidia erat, præfuisse Marcellum argumento est, quod inde eiusdem Provinciæ dicatur Præfes.

PRÆSIDI . PROVINC. NUMIDIÆ. Rufus de Romani Imperii accessione omni ex Africa sex dicit Provincias esse factas, quarum Carthago^c, Numidia, Cyrenensis Consulares erant: Tripolis, & Mauritanix duæ Præsidiales. Quomodo igitur, si *Numidia* Proconsularis Provincia erat, Marcellus^d non potius Proconsul, quam Præfes dicitur? Sed & quandoque Imperator Præsidēs in aliquam Consularem Provinciam missos Consulari potestate ornabat, ut videlicet eius essent auctoritatis, cuius Proconsules. Ita C. Plinius Præfes Provinciæ Ponti, quamvis Bithynia cum Ponto non Præsidialis, sed Prætoria Provincia esset. Commutabantur enim Provinciæ plerumque arbitrato Principis. Sic Alexander^e Præsidiales, quæ antea

^a Lips. de Milit. Rom. lib. 2. cap. 11.

^b Pacir. Not. Imp. Orient. cap. 35.

^c Lips. de Milit. Rom. lib. 2. cap. 11.

^d Pacir. Not. Imp. Orient. cap. 35.

^e Ahiat. de Magistr.

^c Lamprid. in Alex.

antea non fuissent , plurimas fecit . Imperatores , quæ pacatiores essent , Senatui , Populoque relinquebant , quæ vero Provinciæ proximæ Barbaris , quæve validam militum manum requirebant , eas , quæ a suis Præsidibus regerentur , sibi met reservabant , verbo , ut labores , & belli pericula subirent , reapse vero , ut vis , ac potestas omnis penes ipsos Principes esset .

Consulares , seu Prætorias Provincias nonnisi Senatores , iidemque Consulares Viri fortiebantur . Præsides vero etiam ex Equestri ordine deligebantur . In Proconsularibus , seu Prætoriis ex veteri Reipublicæ more Magistratus annuus , in Præsidualibus vero certus finis non erat . Præsides enim tamdiu manebant , donec a Cæsare Successor mitteretur .

Huiusmodi officiis præpositum fuisse Marcellum , & dignitatibus ornatum ab Imp. Severo , summa Marcelli laus est ; *hominem enim in legendis a Magistratibus diligentem* constat fuisse Severum . Quamquam maioribus fortasse eum honoribus auxit Imperator , ut dicebamus , Iuliæ Domnæ , ac Maesæ Marcelli socrus commendatione , quarum summa gratia , & maxima in Aula auctoritas . Ita harum favore , ac Soæmiadis benevolentia usus quoque Julius Avitus Marcelli socer post Consulatum , quem gessit circa an. Chr. 209. ut placet Tillemontio , a Caracalla Asiæ , inde Mesopotamiæ , ac demum Cypri præfecturam obtinuit ^b .

Cum Elagabalus natus sit ann. Chr. 204. Soæmiadem Marcello ante id tempus nupsisse oportuit . Vel in fine Severiani regni , vel , quod magis probabile est , primis Imperii Caracallæ temporibus Marcellus mortem occubuit : nam quo tempore cum Elagabalo Macrinus de summa rerum disceptabat mortuum iam antea Marcellum docent Dio ^c , & Xiphilinus . Itaque Elagabalus quo tempore e vivis Pater excessit vel septennis erat , vel paullo maior . Ita statui posse videtur , Monumentum ab Uxore cum Filiis Velitris fuisse excitatum circa an. Chr. 212. dum Soæmias adhuc Romæ esset , a qua post illa diu abfuit cum Matre , & Sorore Caracallam secuta . Neque quis credat potuisse Soæmiadem postquam ad Urbem cum filio Elagabalo reversa est , quod contigit vel in mense Julio , ut visum est Torrio , vel Novembri , ut placuit Vignolio , an. Chr. 219. Marito suo Sepulchrum condere : non enim ut erat gloriæ cupida eo tempore passa esset non inscribi Monumento Augustæ titu-

^a Capit. in Clod. Albin.

^b Dio lib. 78. cap. 30.

^c Dio in frag.

titulum , quo cum Matre Mæsa decorata fuit cum primum ad Imperium filius evectus est ; idque eo etiam fecisset libentius , quod nescio quo arrogantia, ac levitatis studio permota silentio præteritum noluit secundum cognomen , quod nunc primum cum litterato Orbe illustre Veliternum marmor communicat . Ignotum quippe antea fuit , ut superius innuimus , Juliam Soæmiadem *Bassianam* quoque fuisse dictam .

Quâ ætate Marcellus e vita decesserit ignotum . Profecto non grandem natu mortuum arbitror ; Soæmias quippe cum Vidua facta est iuventâ adhuc efflorescebat . Inquirere ubinam gentium obierit divinare esset : nihil tamen verosimilius putarem , quam Velitris illum occubuisse post reditum e Numidia ; vel si in Urbe mortuus sit , humatum deinde ipsius Cadaver in suo fundo , aut Villa , quam in Agro Veliterno haberet . Ibi enim quamplures Romanorum deliciae : quæ fuerant Tyberii Cæsaris , & Caligulae memorantur a Plinio ^a . Ubi olim erat Othonis Villa rudera supersunt adhuc , & nomen ad hanc diem retinet locus *Col d'Ottone* , qui hodie possidetur a nobili Philipporum Familia , ut notavit Clarissimus Præsul Alexander Borgia ^b .

Hæc de Sepulchrali Lapide Sexti Varii Marcelli quæ scriberem habebam . Si non ex sententia , neque ut dignitas rei postulabat , satisfecerim , non mihi vitio vertendum ; non enim ultro libensque sum rem amplexatus . Meus qualiscumque sit labor , nihil aliud me profiteor in eo esse persecutum , nisi ut Summo Viro , ac Patrono Præstantissimo , qui ad scribendum impulit , iussus quoquo modo obtemperarem .




^a *Hist. Nat. lib. 12. cap. 1.*

^b *Ist. di Velitri lib. 2. pag. 81.*

I M P R I M A T U R,

Si videbitur Rñño Patri Magistro Sacri Palatii Apostolici.

Dominicus Giordani Archiep. Nicomed. Vicefgerens.



I M P R I M A T U R.

Fr. Thomas Augustinus Ricchinius Ordinis Prædicatorum Sac. Palatii
Apostolici Magistro.

SEX^r VAEΕΛΛΩ

DC AQVAR = C = PI ANIE ΠΑΡΧΕΙΟΥ


VAT = CCC & VICE BATHC & ΠΙΣΤΕΥ

V & PRAEF & AEI ΟΥΚΑΙΡΩΔΗC

AESIDI PROVIE ATIWΤΙΚΟΥ &

IA SOAEMIASICTΩ ΠΡΟC

MARITO ET P^o



† †
17
Palmi

†
8
Romani

SEX^l VARIO^l MARCELLO^o

PROC^o A^oQ^oVAR = C^o = PROC = PROV = BRT^o C^o C^o = PROC = RATONIS^o
PRIVAT^o C^o C^o C^o VICE^o PRAEFF^o PR^o ET = VRBI = FVN^o TO^o
C^o V^o PRAEF^o AERARI MILITARIS^o LEG^o LEG^o III AVG^o
PRAESIDI PROVINC NVMDIAE^o
IVLIA SOAEMIAS BASSIANA^o C^o F^o CVM FILIS^o
MARITO ET PATRI AMANTISSIMO^o

CEZ TΩ^o OYAPIΩ^o MAPKEΛΛΩ

ΕΠΙΤΡΟΠΕΥCΑΝΤΙ ΔΑΤΩΝ^o ΕΠΙΤΡΟΠΕΥCΑΝΤΙ ΕΠΑΡΧΕΙΟΥ
ΒΡΙΤΑΝΝΕΙΑC^o ΕΠΙΤΡΟΠΕΥCΑΝΤΙ ΛΟΒΛΗΝ ΠΡΕΒΑΤΗC^o ΠΙCΤΕΥ
ΘΕΝΤΑ ΜΕΡΗΤΩ ΕΠΑΡΧΩ ΝΤΟΥ ΠΡΑΙΤΩ ΡΙΟΥ ΚΑΙ ΡΩΜΗC
ΛΑΜΠΡΟΤΑΤΩ ΑΝΔΡΙ ΕΠΑΡΧΩ ΕΡΑΡΙΟΥ CΤΡΑΤΙΩΤΙΚΟΥ^o
ΗΓΕΜΟΝΙΑ ΕΓΕΙΩΝΟC^o ΓΑΥΓΥCΤΗ CΑΡΖΑΝΤΙ ΕΠΑΡΧΕΙΟΥ ΝΟΥΜΔΑC
ΙΟΥΛΙΑC ΟΑCΙΑC ΒΑCCΙΑΝΗC ΝΤΟΙC ΤΕΚΝΟΙC ΤΩ ΠΡΟC
ΦΙΛΕCΤΑΤΩ ΑΝΔΡΙ ΚΑΙ ΓΑΥΚΥΤΑΤΩ ΠΑΤΡΙ^o

† † †
Palmi 1

†
2

†
3

†
4

†
5

†
6

†
7

†
8
Romani

Complete
B

Chambers

SPECIAL 93-B
4721

